

經 驗

花柳病自療法



南京中医药大学图书馆版权所有

民國十年孟夏

上海書局印行



花柳病治療法序

花柳病者淋濁下疳橫痃楊梅之總稱也。其毒至酷。其害至鉅。患者輕則傷一己之身。戕百年之壽。重則傳染妻子。累及全家。尤又甚者。以子傳孫。以孫傳世。人生壽命。隨之短縮。血統宗嗣。因此絕亡。嗚呼。花柳病毒之為害。有如是其蔓延於全國。可不懼哉。可不危哉。考其傳染之毒。輕則淋濁。或下疳。重則橫痃。與楊梅。若為梅毒之發生。其起初不覺十分苦楚。是以患者每多忽之。及至病毒傳於臟腑。流於血絡。由淺入深。轉瞬則瘡疥徧體。肌骨摧殘。而精神頹喪。四肢疼痛。已難動作矣。甚者毒攻心臟。奄奄一息。求醫已無濟矣。所謂貪片刻之歡娛。得終身之殘疾。信然。信然。其情可憫。其毒可怕。我輩少年。亦可知所警戒矣。今花柳科專家 奚耶志先生。鑒青年失足之悲苦。徵毒為害之劇烈。特將歷年研究治愈之經驗良方。編成簡明講義。教授學生。以期將良方廣傳於世。俾無病者知所預防。已患者得法自療。速除禍害。庶幾其劇烈之花柳病毒。可掃清於吾中華國境矣。並希醫界之諸君子。咸悉心研究焉。爰誌數語以為序。

中華民國七年江蘇青浦內外科醫生張景範序

花柳病毒對於國家前途之危害

後天性之微毒

患花柳毒起因之狀況與經過之時期

白濁內治法

附主治白濁中藥經驗方

軟性與硬性下疳區別法

下疳外用洗淨藥水方

橫痃治療法

治橫痃止痛消腫藥水方

治橫痃瘡口洗淨藥水方

附主治橫痃
中藥經驗方

治楊梅斷根內服藥配製法

楊梅解毒補血藥配製法

附主治楊梅結毒中藥經驗方

治小兒遺傳梅毒內服藥配製法

凡應用各藥物之藥性

哥拜巴

花柳毒發生之原因

先天性之微毒

淋病治療法

白濁外治法

附尿道注射法

軟性下疳治療法

下疳外治消毒收口藥配製法

附主治下疳中藥經驗方

橫痃初起外治消毒藥配製法

治橫痃化膿後收口藥配製法

楊梅毒治療法

驅梅毒汞軟膏塗擦法

楊梅瘡毒外治藥配製法

遺傳梅毒治療法

治小兒遺傳梅毒外用藥配製法

華澄如



白檀香油

白樹膠

硼酸

硫酸亞鉛

過錳酸鉀

醋酸鉛

三仙丹

雙綠求

碘酒製法

鉍碘

鹽酸加里

僣里設林

龍胆草

硫黃華

重碳酸鈉

鞣酸淡輕鐵

白明礬

甘草

薄荷油

鉀溴

沃度仿姆

石炭酸

鋅養粉

單求綠

水銀軟膏製法

五倍子酒製法

金雞那霜

瀉利鹽

硃砂

密陀僧

柯柯油脂

檳酸鐵

鞣酸



經驗花柳病自療法

花柳病毒對於國家前途之危害

花柳病毒近數十年來。吾國青年子女患之者最多。考其流毒之原因。皆由於娼妓之傳染。更有患者之由水陸舟車輸入內地。傳及家人。轉輾蔓延。愈傳愈廣。時至今日。其毒瘡已遍地多有矣。此病之發生。在西國地方。非常重視。有國家之定章。以取締妓館。有醫生之檢查。以厲禁賣淫。嚴重周密。原為預防亡國滅種之酷毒。不致蔓延於無底也。故一面雖有此病之發生。面則竭力設法以撲滅。生殺相抵。為害尚淺。反觀我國政府長官。既無暇顧及於是。而人民之狎遊。偏多不醒。兼之我國人之少於普通醫學知識。中醫之乏於精細研究。不知是病之微毒。非施以對症之藥品。竟不足以掃清其毒根。又有近日一般江湖庸醫之誤人。為害更深。而患者求診不察。貽誤實屬無窮。故患者方起之時。若不速求良醫為之治愈。一經遷延。毒即上昇。以致不可收拾。至為可懼。今我通商巨埠。妓館林立。即以上海一埠而論。英法美各租界。有上中下三等妓館。更有秘密賣淫者。約共有五六千家之多。每家平均以兩妓計之。則有一萬餘妓之眾。此一萬餘中之妓女。有患楊梅下疳者。有患淋病疥瘡者。或有數病兼患者。以滬上係五方雜處。商賈薈萃之區。每日狎妓之客。是必眾多。而傳染此毒者。即以半數計之。每日已有五千餘人之多。一年計之。即有一百八十餘萬人之染毒。此一百八十餘萬人之染毒者。每年傳染於其妻妾。又增起一倍之多。即每年有三百六十餘萬人之染梅毒。且患此毒者。每多不

能生育。致絕嗣者。亦素所見之。即或生產。亦必受遺傳性之先天梅毒。嬰兒往往夭殤。以上海一埠論之。其為害之大已如此。若全國各通商埠岸計之。娼妓之多。染毒之眾。當有十倍於此。即每年染毒者。計有三千六百餘萬人之多。若使年年以此數增加。則遞算至十年。當有三萬六千餘萬人之多。即三百六十兆人。以我國人口號稱四萬萬。即四百兆人相比較之。則不啻花柳毒者。祇存三千餘萬人。則十年以後。人人皆染花柳矣。夫全家盡花柳家必破。全國盡花柳國必亡。家破國亡。甚且滅種矣。嗚呼。花柳之毒。其害如此。我深望一般遊子之尋花問柳者。及早警醒而預防之。更願吾國當道之執政者。取締而設法消弭之。當強我中國。從根本上講求強種。尤為急切之要圖也。

花柳毒發生之原因

花柳病毒。自古有之。惟罹此者極少。故世人多輕視之。洎乎今日。花柳之種。竟廣傳於全球。於是咸知其微毒之為害至深。羣皆注意而研究種種方法。以期撲滅消除於無形。但就中患害者。猶以吾國人為最多。其故一則在於娼妓之任意賣淫。地方長官無取締檢查之禁令。一則在於中醫之不加研究。無發明對症除根之良藥。雖有西國輸入驗方。而中醫又多忌之勿用。由是我國人之患者愈多。經年難愈。甚至頹喪精神。殘害終身。或傳染內地。以致不可收拾。考其致毒原因。可分為左之兩種。茲述之於下。

(一) 後天性之微毒

後天性之傳毒。又有兩種。一由男子與不潔之娼婦。媾接而發生者。或健全之女子與患微毒未愈之男子交而發生者。大抵罹微毒之娼婦。若與健全之男子相接。則一週之內。能傳染至百人以上。其傳染之快速。亦可謂極矣。二由健全者與患毒者相接吻而發生者。或與同居而坐。夜與同榻同褥而發生者。或患毒之分泌物附着於物體。如杯碗烟管與吸刺之捲烟等。亦為傳染此毒之原因。最危險者如患此毒之助產婦。俗稱穩婆。或云收生婆。用己之唾液敷於兩手。入產婦之陰戶。以助嬰兒之臨盆。或用唾液以濕嬰兒之臍帶。則產婦與嬰兒。每多罹受此毒。務須嚴戒而留意之。或健全之嬰兒。因哺食有梅毒之乳。以致傳染者。凡此種種。皆為後天性之微毒。

(二) 先天性之微毒

凡患梅毒之男子。非經治愈。斷根三年以上。切不可結婚。不然娶妻之後。非特不能生育。抑亦徒累其妻之受傳。或竟染毒而從此絕其生育。即使幸有所生。其產兒亦必染受遺傳之毒。發育不良。

或兩親之間。其父或母曾患梅毒愈久。忽然復發。若斯時受胎。將來生出之兒。亦必罹此毒病。又兩親當受胎時。皆屬健全之體。偶於妊娠中。由父罹此病傳於母體。若其傳染在妊娠五個月以內。則胎兒亦必受此毒害。母體傳染在妊娠六個月以外者。其胎兒可免罹毒。生出多健全。所恐者分娩以後。仍傳染於小兒耳。故患梅毒之妊婦。必須嚴行驅毒。在母體既得迅速治

愈且可使胎兒之健全。免患遺傳之毒害。

凡罹梅毒之婦女。苟分娩健全之小兒時。切不可自行哺乳。因自己哺乳者。必與小兒密接。每致小兒感染後天性之梅毒。然傭乳婦亦須留意其曾患此毒與否。

若為健全婦所生之兒女。迨後傳染梅毒性之病症時。亦切不可自行哺乳。免致累及於母體。若用人工的哺養法。或恐小兒有衰弱之虞。為母者既恐自身之傳染。又慮小兒之衰弱。則必傭乳母以養之。然健全之乳母。亦必有感受此毒之危害。宜急於此時用驅除梅毒療法。將乳母與小兒嚴行掃毒。每日無間。是為至要。

以上所述嬰兒之感受遺傳梅毒毒性者。但其發現時亦有遲速。速者生後一二月內即發現之。或緩至四月至六月後而發現之。遲者每至七八歲至十五六歲。而始呈第一次遺傳梅毒毒性之象。大都女子發現較遲。然此症發現最遲者亦屬稀少之事也。故曾患梅毒之父母。其所生之兒女。不問其遺傳毒性之已否發現於表面。宜先用清血解毒之藥。每日或間日服以微量。或更施以外用之驅梅劑。與其浴身。苟能預為防患。殊為有益於嬰兒。若至毒性發現始行療治。雖能奏功。但費事多矣。

凡小兒之受先天性遺傳梅毒者。其症狀概與後天性傳染所生者同。惟其起初發現時。每多不發第一期之症狀。直發第二期或第三期之病形。其遺傳梅毒之特徵。即在不發生硬性下疳是也。而小兒患遺傳梅毒。第一所呈之症候。其最顯著者為全身皮膚。往往發生無數之舊



癰疹尤以背部為最多。此疹小如針頭。大如銀角。或於手掌足蹠發生。梅毒性之天庖瘡。此瘡起庖頗大。內含透明狀之水液。此水甚毒。若累及於健全之皮膚。亦即起庖發生。故此瘡蔓延最速。又常於肛門之周圍。胯部之兩旁。及臍部之下方。發生扁平贅肉。此症若至發育極度時。則皮膚現扁平之隆起。如覆以粘稠灰白色之沉着物。有惡臭之氣。有強傳染性。及在口角發生扁平贅肉時。則往往致龜裂。故初生小兒之口角及鼻孔兩傍起硬結之痂。如龜裂狀。能時或小兒鼻孔中有充塞及流出有辛臭之鼻液者。必當診察其與遺傳梅毒有關係否。總之小兒不幸而罹遺傳梅毒者。務須起早療治。方免毒害之深進。不致延及於終身也。

患花柳毒起因之狀況與經過之時期

花柳病發生之原因。前已詳述之。凡患之輕者。淋濁與軟性下疳。重者為硬性下疳。與橫痃。再進而為楊梅之結毒。茲將患者經過之狀況。更舉其顯著者述之於下。

凡男子與有淋病或白帶或月經未淨之不潔婦人交媾。則婦人陰中不潔之液體。侵入男子尿道之內。約經二三日後。尿道必發熱。覺脹痛。且有白液之分泌。由尿口淋出。至病情增進。在小便時。尤覺尿熱異常。由尿道口排出更為疼痛。且陰莖微腫。時時有疼痛性之勃起。如是而不即治愈。則經過數日。其分泌物必變為黃色。如膿狀。時時淋出。此分泌物之膿液內。含有淋毒菌。能傳染。若誤將此液染於手指。觸入眼中。則必釀成極重之眼疾。或因此而失明者。亦極多。故患淋濁之人。宜時常洗淨清潔。為至要。而尿道口常發赤色之浮腫。甚至皮穿腐爛。在小

便之際其刺痛益甚故患者排尿頗為困難凡呈此症狀者為急性淋病即白濁初起是也斯時即用對症之方法療治之能易愈若患者怠於療治或治不得法每多變為慢性淋病即中醫稱之為久淋精關不固致身體隨之衰弱此時醫治非若前者之易收速效也至於女子罹此症者必因與患淋病之男子交或因房事過度所發生其起初則僅及於尿道及子宮頸與陰戶之粘膜而發淋病其情狀與男子相同故亦有急性慢性之分凡患淋病之婦女其起初亦往往尿道頻促在排尿時其陰部尤覺灼熱而疼痛且陰唇亦稍有腫脹而發赤此時務須趕緊療治以免變為慢性倘既陷於慢性淋病時必為下腹之疾苦與疼痛因此身體日虛致受胎困難但一般健全之婦女因與患慢性淋病之男子結婚而被傳染者實亦不少故患淋濁之人不論男女最忌相交對人既可以免傳染之害對己又可以保養其身患者慎之

凡患軟性下疳者亦必與罹此毒之不潔婦人交媾而發生其疳瘡之潰瘍有大如黃豆者或大如蠶豆者壓之感痛且有膿水此滲出之膿水甚毒有傳染性累觸於皮膚之損壞處亦即發生同樣之下疳瘡男子大都生於陰莖之包皮及龜頭之冠狀溝或有時由其潰瘍處滲出之膿水染及包皮之繫帶與陰囊而發生者亦有之凡女子患此每多生於陰唇之內面或生於肛門之會陰處或因膿水傳毒之故而生於恥骨縫合處及臍部下等處者亦有之此外有所謂口唇下疳者皆因器物等媒介此病傳染所發生者也患下疳之最烈者其潰瘍處破壞

毒性甚為蔓延。漸次損壞陰莖之全部。蔓延於下腹。有時結痂。有時崩壞。若不速施療治。必多他症併發。致小腹下左右兩大髀之旁邊。而生櫻寔大之興陽核一個。或兩邊兩個。迨後腫大化膿。便是橫瘻。在初時治之。易於消散。

凡楊梅毒之發生。既如上所述。有先天性後天性之兩種。其微毒若與不潔之婦人交。而被傳染所發生者。必於下部先發生硬性下疳。大概男子多生於陰莖之包皮與龜頭。婦女多生於大陰唇與子宮頸等處。起初不覺疾苦。約經三四天而發現硬性之結節。大小如黃豆。其結節大概生一個。用手按之。其硬度如軟骨。且與周圍之區劃甚明。皮變赤色。壓之不痛。亦不出血。若患者不知。任其自然。則經過一星期左右。能漸次消失。先由結節之中間退行。遂至全行消滅。惟於該局部殘留硬固之癰痕。或竟消失於無形。或自行消失。後於此處復發生新結節者。亦有之。或起硬性下疳之潰瘍而崩壞者。亦有之。至其發生部位。有時亦有發於外陰部之外者。雖全身中各部位。皆得發現。惟較多者則生於口唇。總之下部患硬性下疳者。其毒最重。起時雖無疾苦。然治之宜早速。若患者每因無痛而忽之。繼至小腹下兩大髀之間腫脹。起小興陽核一個。或兩個。即發生橫瘻。倘斯時復以不痛之故而失治。必病毒日深。流於血絡。或療治而不得良醫。其誤與勿醫同。

自下部發現結節之硬性下疳起。至腹下兩髀間發生橫瘻時。謂之微毒之第一期。此時趕速治之。除毒最易。若再遺誤。則微毒流於血中。散播於全身。約經六七星期。遂身體違和。有時惡

寒怕冷有時身熱頭痛及腰痠骨疼食慾不正等症而梅毒隨之發出。現種種斑疹於肌膚之表面。且患者筋骨痠痛。在夜間尤甚。或患者此時兩目糊塗。時常流淚。或起咽喉乾燥而作痛。或大便秘結而不通。此時症狀如再延誤甚為危險。此為微毒之第二期。當是時急用對症之藥品。內外兼治以完全之驅微療法療治之。則其毒根尚可以緩緩掃清而得除淨。設或患者在此微毒第二期中。仍失於療治。任其自然者。則其毒將不現於外皮。而深入於內臟。侵及於骨質。呈種種不定的變狀。雖有時能漸見愈好。然亦時愈時發耳。或其病勢增進。毒在臟腑內。部一旦卒然復發。則全身骨質被損。而頭蓋骨與鼻梁軟骨等破壞尤甚。且時常流出灰白色如膿狀之臭液。俗稱楊梅結毒。上昇冲天。最為危險。此為微毒第三期之結果也。此時欲求速愈。甚為困難。凡此等症狀。往往有歷數年之久。或甚至延及於終身者。若為惡性之微毒。則此時不無有性命之虞。其故皆因先前患硬性下疳時。患者以其無痛。而輕忽所致。若待至第三期之症狀發生。始行求醫。則毒重病深。全體被損。治之恐已不及矣。故既患微毒者。其在第一期。第二期中。務必充分治愈。以免第三期病症之發現。如已屆第三期之發現時。更須日夜施療。不誤其時。一面外搽驅微藥。以掃其毒。一面內服清血劑。以除其根。如是內外療治。庶可挽救而免危險。

凡患微毒在第一第二期中。若治癒後。愈不充分者。每多再發。或經治愈後。在三年內復發者最多。甚至愈後。歷十年二十年乃至三十年後。而一旦復發者。亦復不少。故患梅毒愈後。必須

格外注意更須時乞經驗之良醫診察或每月服清血解毒之驅微藥數次以防其再發而使毒根掃除盡淨也方為穩妥以免後患

以上所述皆為花柳病中所常見者茲將其最簡便之療法最經驗之良方列下俾患者之得以依法配製早晚服治而免毒害之進於危險也

淋病治療法

比淋濁病症男女患者治法畧同凡男子發生尿道先覺灼熱脹痛尿意頻繁溺時尿口刺痛且有分泌粘稠液汁時時留出經過數日後其淋液漸次變為黃綠色或呈黃色之膿汁流出愈多自發病至一星期時愈見增重小便時尿管刺痛尤為劇烈且排出之尿中常混有甚多之膿汁或有血絲者而陰莖時起勃舉覺尿管中脹痛難熬而於夜間尤甚每致不能安眠至於女子多發於子宮內及陰戶等病毒感染部起初先覺瘙癢又如疼痛溺時灼熱覺痛頗為困難病勢愈益增進小陰唇腫起發赤其初微泌粘滑液汁漸次增多遂至子宮受毒而發炎症致小腹脹痛難忍故女子之急性淋病亦與男子相同及至陷於慢性症之傾向其疾苦亦與男子無異若起時不急療治任其延久必致陷於慢性之疾苦而身體康健亦必遂之衰弱矣至於身體虛弱或過於勞動而發生淋病者其疾苦相似治法亦略同茲將其療治上最靈效之內服藥錄下以便患者按法自配

(一) 哥拜巴樹脂二錢 華澄茄粉末三錢 薄荷油三滴

右藥調和開水沖服每日三次分作三日服完每服藥後食薄荷糖少許可以解去此藥氣味

(二) 白檀香油三錢 甘草味四錢 白樹膠粉一錢

右藥混和每食後用開水吞服日三次分作十天服完

(三) 白檀香油一錢 薄荷油三分

右藥混和每食後取十滴開水沖服

上述之三方為治淋病最有靈效之良藥倘服完後未愈仍當照方合服凡患淋病在旺盛時必陰莖時時勃起而覺脹痛且於夜間仰臥之際為尤甚凡如是則於局部必須施以冷敷法法取硼酸二錢用潔淨之冷水或用冷開水一盆共化和將陰莖浸入洗淨倘夜間因脹痛而不能安眠者在就寢之先須服少量之安神藥此安神藥即取用鉀溴或稱鉍溴三分與白糖少許用溫開水一杯沖服但葶中切忌仰臥然患淋病者除內服藥外每日尚須將龜頭洗淨及行尿道注射法方能使淋病之毒菌殺滅去盡尿管內之被腐得以收斂而全愈自可快速也此尿道注射藥中以消毒收斂最有效者為硫酸亞鉛與沃度仿姆之合劑是也茲將其外治藥列後

白濁外治藥方

(一) 硫酸亞鉛(即鉍硫養)二分半 沃度仿姆(即黃碘粉)二分半 蒸溜水(即蒸汽水)六兩



先將乳鉢洗淨拭乾。後將右藥研細。用蒸水化。和貯藏瓶中。臨用時須善為振盪。每日用玻璃製之淋濁注射器注射尿道二三次。或早中晚三次行之亦可。

(二) 硫酸亞鉛三分 蒸汽水六兩

右藥用水化後。取水注射尿道每日三次。有防腐殺菌收斂之效。制止尿管粘液分泌之功。並可治白帶功與上述同。

(三) 過錳酸鉀(即鉀錳養)一分 蒸溜水五兩

右藥用水溶化後。呈玫瑰淡紅色。貯藏瓶中。勿使洩氣。不論患慢性急性淋病。每日均可用注射器注射尿道二三回。治白帶亦有功效。或將此水洗淨陰部亦可。其消毒殺菌之力甚大。

(四) 醋酸鉛(即鉛糖)一分 蒸汽水二兩

右藥用水溶化後。貯裝瓶中。每日用注射器注射三回。能制止尿道粘液之分泌。及殺滅淋菌。與收斂止痛之功。如用五十倍或百倍之溶液。即醋酸鉛一分與水五十分。或醋酸鉛一分與水百分。和冷。陰莖能止尿管脹痛。洗滌龜頭。可消龜頭之炎腫。及防其腐爛脫皮。極為有效。

尿道注射法

淋濁尿道注射器。各西藥房與東洋藥房均有出售。每只之價。不過數角。此器又名水箭。形如抽水小管。中為一段玻璃管。二端有硬角質鑲住。插入尿道口之一端。如橄欖頭。中有一小孔。以便收吸藥水及射出之用。欲行尿道注射時。須先將此器用硼酸水(即硼酸一分用潔淨開



中醫學
1931
版權所有

水五十分化開者。內外洗淨數次。後更用清潔熱水再行洗滌。務使消毒乾淨。然後將上之藥方。不論何種所化之藥水。或用熱水隔湯稍為溫熱。或用冷藥均可。即將注射器吸足藥水半管。一面令患者仰臥榻上。醫生立於其左旁。挾陰莖於左手之第三指及第四指之間。用第一指及第二指將尿道外口引開。即以右手所持之注射器將尖端插入尿道口內。左手第一、第二指將器扶住。右手持器緩緩將藥水打入。務須忍耐。不可用力太過。若藥水打入尿道時。患者覺着刺痛。更宜徐緩。藥水打入之量亦宜要少。將藥水多少打入之後。務宜將陰莖向前豎起。安靜五六分時。以免藥水淋出。每日早中晚行注射三四回。極有功效。前述四法之中。以第三、第四法最便。而對於急性淋疾更效。總之行此尿道之注射藥水。若非熟練者。寧使不測。為是倘自行注射不得其法。恐尿道反致激痛受傷。即取用所化之溶液。每日洗滌下部三四回可也。若覺龜頭包皮發炎而腫痛時。可用石炭酸二分與清淨之冷開水百分或百五十分化。和每日冷卷二三回。並將龜頭洗滌之後。再用醋酸鉛（即鉛糖）或云鉛霜一分與清潔之冷水四五十分化開。用藥棉花浸透裹於龜頭之上。便能收斂消腫。

總之患淋病之人。最宜節勞安靜。格外衛生。飲食務須清潔。油膩與煙酒辛辣之物。切不可食。大小便每日務使通利。愈後切忌房事與傷身之手淫。忌之愈久。其效愈大。能遵守此戒。則愈後佳良。不致復發。而精神亦容易復元。尤要者患淋病所洩出膿液。不可染及手指。傳達眼內。致害重篤之眼疾。或竟有失明之虞。故宜留意慎之。今將主治白濁之中藥經驗方。附列於後。